

Protocol fat bun da la radunanza cumünala dals 16 november 2011**Protocol no. 13****Radunanza cumünala dals 1. settember 2011, 20.15 – 23.00**

Preschaintas: 47 persunas

S-chüsats: Martin Pernet, Andri Poo, Mario Riatsch e Claudia Luppi

Il capo constata cha la radunanza saja gnüda convocada in basa a nossa constituziun cumünala e dumonda sch'inchün haja da far objecziuns. Sainza chi vegnan fattas objecziuns, vegnan nominats seguaints scrutinadurs: Arno Felix e Reto Rauch.

Protocol

Il protocol no. 12 da la radunanza cumünala dals 21 lügl 2011 vain approvà in fond üna correctura illa tractanda 2.

1 620 VIAS E PLAZZAS
Schlargiamaint via Chasellas – Credit fr. 45'000.--

Il schef da fabrica orientescha detagliadamaing a la radunanza cumünala a regard il schlargiamaint previs da la giassa Chasellas. In discussiun stan duos variantas:

1. Ün schlargiamaint plü pitschen cun cuosts calculats da fr. 45'000.--.
2. Ün schlargiamaint plü grond cun spostamaint d'ün idrant cun cuosts calculats da fr. 95'000.--.

Cun quai cha l'esit dal scrutin avert da la radunanza cumünala ha manà ün resultat equilibrà, decida il capo tenor la constituziun, da metter in votumaziun la varianta pitschna.

La radunanza cumünala decida in scrutin serrà, cun 40 cunter 5 vuschs, da far bun ün credit da fr. 45'000.-- pel schlargiamaint da la via Chasellas.

2 860 PROVEDIMAINTE ELECTRIC
Spostamaint lingia da forza d'ota tensiun a Sot Pradè – Credit fr. 45'000.--

Il schef d'energia orientescha in detagl sur da quista lavur previssa. Davo avair respus sün diversas dumondas decida la radunanza cumünala in scrutin serrà, cun 47 cunter 0 vuschs da far bun il credit da fr. 45'000.-- per la lavur manzunada aint il titul.

3 935.410.01 CHAVA PANAS-CH SURA
Contrat da concessiun Panas-ch Sura – Infuormaziun avant la votumaziun a l'urna

Il schef da fabrica repassa insembel culla radunanza cumünala artichel per artichel da la ledscha „Abbau- und Deponiegesetz Panas-ch Sura“ e dal contrat da concessiun „Konzessionsvertrag“. Our dal ravuogl da la radunanza seguan plüssas dumondas.

La ledscha ed il contrat da concessiun vegnan suottamissas als 25 settember 2011 a la cumünanza d'urna.

4 860

PROVEDIMAINTE ELECTRIC

Cumplettaziun reglamaint da taxas

Il schef d'energia orientescha a la radunanza cumünala chi fetscha da bsögn da cumplettar il reglamaint da taxas per quai chi pertocca la fabrica per implants fotovoltaics. Per quels implants nun exista ingüna taxa d'ereziun. I vain proponü da fixar la taxa sün fr. 55.-- al kilo Watt peak. Cun quista taxa vain finanzià eir il rinforz da l'attach. Il punct da spisgiantar vain spostà automaticamaing pro la chaista d'attach in chasa. Ils cuosts d'attach sun dependents da la prestaziun da l'indriz fotovoltaic. Il sistem da taxas es simpel ed analog al sistem da taxas üsità. Our dal ravuogl da la radunanza seguan plüssas dumondas chi vegnan respusas. L'adattamaint dal reglamaint da taxas vain suottamiss als 25 settember 2011 a la cumünanza d'urna.

5

VARIA

I vain remarchà cha la via da Bügliöl saja in ün nosch stadi e quai adonta da la stabilisaziun fatta dal 2010. Il Cussagl cumünal piglia l'intimaziun a cogniziun e farà ils pass toccants.

Per l'actuara:

Rico Zini